

LA QUOTIDIANA

FMR Fundaziun Medias Rumantschas, Via da Masans 2, 7000 Cuirà, 081 544 89 11, redacziun@fmr.ch



«Mira!cultura», dar pais a la cultura che custa

Dapi intgins onns datti en Surselva la purschida «mira!cultura». Ussa vul ins rinforzar quest servetsch. **Pagina 5**



In nov Tschespet ed in nov Gion Barlac

La nova ediziun dal «Tschespet» cumpara quests dis. El cuntgna texts da l'autur barmier Theo Candinas. **Pagina 5**

FMR FUNDAZIUN
| MEDIAS
RUMANTSCHAS



SURSELVA

Trofea culs meglers Svizzers e Hollandes

Miez mars da l'auter onn ha la 13avla Trofea Pèz Ault liug a Muster. Sper las concurrenz popularas eis ella era il campiunadi svizzer e hollandes dil sport cun skis da turas. «Tut en tut spitegin nus l'auter onn rodund 350 concurrenz e concurrenz», di il president dil comite d'organisaziun *Giochen Bearth*. La trofea cumpegia danovamein duas disciplinas: La sonda ha liug la cursa verticala da S. Catrina a Caischavedra e la dumengia la concurrenz individuala agl ur dil territori da skis dil Pèz Ault a Muster. Damai che la Patrouille de Glacier el Valleis vegn danovamein arranschada igl onn vegnent in meins suenter la trofea, speira Giochen Bearth era culla participaziun da biars teams da dus e treis dells. (fmr/hh) **Pagina 3**

SURSELVA

Tecum en survetsch pils concarstgauns



La squadra da voluntaris da Tecum Grischun.

FOTO MMD

Dapi 23 onns datti l'union Tecum che accompagna egl entir Grischun grevamein malsaus e moribunds. Oz lavuran circa 120 dunnas ed umens per Tecum. In dad els ei *Bernhard Bislin* da Sagogn che lavura dapi igl onn 2016 per Tecum. «Mia motivaziun ei da s'occupar cun mia argna mort. Jeu hiel ussa 65 onns e la mort fatschenta mei gia dapi varga 20 onns ch'ieu hiel pias in da mes meglers amigs.» Bernhard Bislin seregorda cun buns sentiments da ses engaschaments per Tecum ch'ei il bia la notg. «Igl ei grev da descriver quells notgs ch'ieu vegliel sper in pazient ch'ei grevamein malsaus ni ch'ei moribunds ni «terminals» sco nus schein. Jeu vules semplamein dar d'entellir ch'ieu sun cheu.» Duas tiazas dils pazients ch'el hagi accompaignau seigien stai grevamein malsaus ed ina tiazza pazients ch'erien moribunds, di Bernhard Bislin. (fmr/mg) **Pagina 3**

GRISCHUN CENTRAL

Campagna per daple personal aint igl turissem

I seia fitg urgent, dei *Luana Tscharner* davart la mancanza da personal per la staschung d'anviern aint igl sectour turistic. La manadra suppleanta da Turissem Savognin Beiva Alva SA less percheigl carmaler persungas da neir ainten la sia regiun per far en congedi digl mintgade, chegl vot deir da neir a luvrar per en taimp ainten en oter sectour tgi schiglio. La campagna «Auszeit» vot pledantar per exaimpel pensiunos u studentas aint igl sectour turistic a moda nuncumplegeida. Uscheia ins pò s'annunztgier via QR-code u cun en formular per ena lavour. (fmr/sab/ri) **Pagina 8**

Concert particular a Sent

In sonda vain rapreschantada illa baselgia da Sent la «Missa Rotna» dal cumponist danais Bent Peder Holbech. Per las 37 chantaduras e chantaduors esa 40 ons chi vaivan chantà quista messa sco scolaras e scolars dal Preseminar Ladin a Samedan. Eir quista jada dirigia Jachen Janett il cor e la band.

MARTIN CAMICHEL/FMR

L'idea pel projet «La Missa Rotna reviva» ha gnü *Curdin Linsel*. Cur ch'el ha manzunà quai a *Gianna Bettina* ed ad *Andri Gritti* d'eiran seis anteriurs consolaras a la scuola media a Samedan subit be fò e flomma. Eir a lur magister da chant da quel temp, *Jachen Janett*, paraiva quai üna bun'idea: Da chantar davo quatter decennis amo üna jada la «Missa Rotna». Quista messa da jazz vaiva cumponü *Bent Peder Holbech* per seis scolaras e suas scolaras ad ün conservatori in Danemarc. Pels participants e las partecipantas da quist pro-

«Las melodias d'eiran a blers amo in l'uraglia.»

Gianna Bettina Gritti, commembra dal comite d'organisaziun ed eir chantadura.

get cul concert a Sent esa interessant da chantar amo üna jada la messa. «Eir schi'd es passà uschè ün lung temp d'eiran las melodias a blers amo in l'uraglia», disch Gianna Bettina Gritti. Chi's gioda natüralmaing eir da verer davo tants ons darcheu a las consolaras e consolaras d'üna jada. «Id es sco ün inscunter da classa», disch Andri Gritti. Il cor vain accompagnà dad üna band. Solista e solist sun *Sara Bigna Janett* (sopran) e *Georg Fluor* (tenor). Eir pel dirigent Jachen Janett es il projet ün'esperienza tuot speciala: «Da chantar cun els amo üna jada la «Missa Rotna» am commouva.» **Pagina 7**

«Jeu sun cheu.»

Quai vul Bernhard Bislin signalisar durant ch'el veglia la notg moribunds. – Pagina 3



FOTO JUNA MAUERHOFER

Tempo e concentrazion

Els ston laschar filar – las tschintg interpretas e l'interpret che lavuran en il Cussegl grond. Per pudair repeter per tudestg tut quai ch'ils deputads dian per rumantsch u talian, dovri inschign e concentrazion. Dapi l'entschatta settember èsi francà en la lescha ch'ils peds rumantschs e talians en il Cussegl grond ston vegnir traslatads simultan. La FMR ha visità ina interpreta ed in interpret durant ina pausa da debatta en la cabina sin la tribuna dal Cussegl grond. (fmr/vi) **Pagina 2**



Servetsch d'abunents e da distribuziun: tel. 0844 226 226 mail: abo@sonedia.ch